

GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

Nafarroako Gobernuak 1,4 milioi erabiliko du 2015ean prebentzioa eta osasuna sustatzeko programetarako

Laguntzak toki-entitate, erakunde, fundazio eta irabazi-asmorik gabeko elkarteetarako da, eta eskaera egiteko epea urtarrilaren 30ean amaituko da

Lunes, 05 de enero de 2015

Nafarroako Gobernuak laguntza-deialdi bat abian jarri du 2015ean prebentzioa eta osasuna sustatzeko programetarako, eta programa horietarako 1.425.479 euro erabiliko da. Herritarren partaidetza, autolaguntza-taldeak sustatu edo lan-arriskuei buruzko jarduerak egiten dituzten toki-entitate, erakunde, fundazio eta irabazi-asmorik gabeko elkarteetarako dira laguntzak.

Eskaerak aurkezteko epea urtarrilaren 30ean amaituko da, eta deialdiaren baldintza guztiak eta informazioa [Nafarroako Aldizkari Ofizial](#)ean kontsulta daiteke (2015eko urtarrilaren 2ko NAO), eta baita www.navarra.es webgunean ere, zerbitzuen katalogoko [fitxan](#).

Zehazki, laguntzak honako arlo hauetarako izango dira:

1.-Osasun-programetarako laguntzak (301.000 euro): osasun-arazoak dituzten pertsonentzako proiektuak, prestakuntza edota autolaguntzako programei arreta berezia emanaz eta Paziente Kronikoei eta Patologia Anitzeko Pazienteei Arreta Emateko Nafarroako Estrategian jasota daudenak.

2-Drogazaletasunaren aurkako udal-planetarako diru-laguntzak (382.500 euro): droga-kontsumoen ondoriozko prebentzio komunitariorako programak, udalerriek eta mankomunitateek egindako programak.

3.-Entitateetarako diru-laguntzak prebentzio komunitarioko programetarako (163.800): gobernuz kanpoko erakundeen eta antzekoen droga-kontsumoen ondoriozko prebentzio komunitariorako programak

4.- Hitzarmenak GKEekin (170.797 euro): GIB-HIESaren infekzioari lotutako programa komunitarioak.

5.-Hitzarmenak prebentzioa eta taldeko nahiz komunitateko osasuna sustatzeko programetarako (136.950 euro): bere zonaldeko zerbitzu nahiz baliabideekin lankidetzan egindakoak, tabakoari lotutakoak barne, eta drogazaletasun eta HIESaren prebentzioari lotutakoak kanpoan geratuz.

6.-Hitzarmenak gutxiengo etnikoen programetarako (130.284 euro): ijitoen gutxiengo etnikoentzako osasun-bitartekotzako programetarako.

7.-Lehenetsi beharreko lan-arriskuen gaineko proiektuak (140.148 euro): langileak diren herritarren osasunerako arrisku eta kalteei buruzko

azterketak eta ikerketa-lanak.

Laguntzak erabiliko dira aurkeztutako proiektu edo programari lotutako erakunde onuradunaren jarduera, material suntsikor eta langileen gastuak ordaintzeko, eta baita funtzionamenduko gastu orokorrak ordaintzeko ere, % 25raino gehienez; muga hori ez da indarrean egongo HIESa duten gaixoentzako eta gutxiengo etnikoen harrera-programetan.